



鹽法考卷之十一

兩浙事例



一順治參年正月兩浙巡鹽御史王顯為禁私鹽以通商定經制以起課題稱私鹽不止則商鹽不通經制

不定則姦蠹不清臣未歷他府不敢懸揣即就鎮江

一府言之府北長江江北則淮揚境也淮鹽過江即

為私鹽往來船隻保無夾帶沿江棍徒保無與販必

於該府廳官擇其廉幹事簡者嵩司捕緝細心嚴防

今新制未定官商莫決從違新例未發臣等無憑稽

驗商人不敢違法鬻鹽戶口不能舍鹽淡食必待新引法乃立窮臣一面商確招商通鹽以待新引祈勅速頒每引約定稅價若干以便遵行臣部覆

准查鹽法之弊莫甚於私販今議擇廉幹事簡官崇司捕緝嚴防則私鹽可杜實於鹺務有裨應令鹽臣實意舉行至起課經制查兩浙舊額大引肆拾肆萬肆千柒百陸拾玖引每引原重叁百斤今各運司鹽法俱以貳百斤為壹引則兩浙當以貳引分叁引共該行小引陸拾陸萬柒千壹百伍拾叁引壹百斤引制既定則課銀亦可因之以定兩浙引價每引叁錢伍分共銀壹拾伍萬伍千陸百陸拾玖兩壹錢伍分又每引納餘鹽課壹錢捌分伍厘共銀捌萬貳千貳百捌拾貳兩貳錢陸分伍厘貳項通共銀貳拾叁萬柒千玖百伍拾壹兩肆錢壹分伍厘但查明時額解舊餉原係壹拾肆萬伍千兩除將餘課銀捌萬貳千貳百捌拾貳兩貳錢陸分伍厘起解外尚缺額銀陸萬貳千柒百壹拾柒兩柒錢叁分伍厘向以雜項湊解補足此外又有給商庫價等項錢糧應各開項款報部

酌奪至於票鹽功蹟鹽不係額引之內所當照例改
票行引以杜奸弊以上鹽斤額例新定經制開載甚
明自宜照例奉行合念地方初定商人未集姑先發
拾萬引以示招徠以後仍照舊例納課領引

一順治叁年正月兩浙巡鹽御史王顯為恭陳鹽政要務題
稱鹽之要務有二招商恤竈而已浙商今雖漫散在
前朝已掣鹽斤分發各府州縣者未必全無今槩以
私鹽繩之則商本虧而不來槩以引鹽寬之則

國課缺而非法惟見鹽計引按引徵稅既不虧商又不
虧課而商可漸次招徠矣竈戶煎鹽最苦原有水鄉
草蕩漲則成田耕種衣食歲久法敝或被勢豪侵占
或苦課稅重疊惟清查侵占蠲減錢糧而竈可次第
復業矣臣部覆

准國家鹽課欲歲額之無虧必商竈之雲集查各商現在
鹽斤皆自捐血資以稱掣者今令其見鹽計引按引
納課則商樂從而

國課無虧應

勅鹽臣查明確數給發新引照新定經制辦課至於水鄉

草蕩漲成可耕之田原係竈戶湖口之需似宜併聽
鹽臣清查俾竈戶復業庶煎鹽有人而辦課亦易矣
一順治參年玖月兩浙巡鹽御史王顯為申明掣驗之
規題稱浙鹽濱海私販繁興舊設杭嘉紹溫等所四
季委官專司掣驗杜絕私鹽一切夾帶有禁影射有
禁越渡漏掣有禁借引重照有禁以及觀望耽延違
限停泊莫不有禁孟起季竣過限銃毀法綦嚴也今
開創之始招徠為先各商急公者固多而營私者亦
復不少每遇掣期或觀望以待市價之高或漏掣以
釀重照之弊或越渡以開影射之門及借口亢旱河
涸不能赴掣者有之雨久場壞買補缺鹽者有之一
絕以銃毀之法則藉口傷本掉臂而散不加以懲創
則捱季墮壓

國課必虧今臣立法凡掣鹽過限半月者銃引目十分
之二過限一月者銃引目十分之五此外免銃如此
則奸商既憚銃毀之法又懷免銃之仁庶掣放依期
臣部覆

准查鹽引掣驗原有定期過限即為銃毀此舊例也但

國家當定鼎之初浙江值兵燹之後鹽臣酌定日期分別
鈔毀以示招徠相應允從

一順治叁年玖月兩浙巡鹽御史王顯為蚤頒徵課之
制題稱浙東初定商疲竈殘曾經寇兵蹂躪獨慘透
徵已多今鹽課於某月開徵為始照例分別或蠲三
分之一或蠲其半蚤頒定制庶商竈各懷樂土之歡
臣部覆

准浙東初平驚鴻未定商散竈逃應廣示招徠之法鹽臣
疏請開徵日期與蠲免分数應遵

恩詔以地方歸順之日徵收為始而蠲免分数當從三分
之一以信

明綸

一順治肆年捌月兩浙巡鹽御史王燮題稱兩浙鹽稅
一項向緣袍價不敷於萬曆貳拾捌年奉文於蕩地
加增旋因商困竈疲不能輸納即行停免今商竈更
苦正課尚奉

恩蠲加派豈能復舉如那正項課銀非奉題
請不敢擅動臣部覆

准蕩地加增因商累竈自難復舉相應於正項內動支貳萬兩辦料織造

一順治肆年拾壹月兩浙巡鹽御史王燮為鹽捕未經定設功績難以責成題稱兩浙及江寧郡屬依山濱海私販橫行明時縣衛巡司設立巡鹽捕快弓兵照地方衝僻酌捕兵多寡給以工食限獲鹽船人犯抵解京餉功績歲計鹽斤銀柒千叁百壹拾伍兩船物銀肆百兩此解京年額之不可缺者歷來欠獲不足即以工食扣解以此考成官吏比較捕役載在齟規

今奉

欽定經費錄內並無鹽捕弓兵款項工食召募不應鹽捕無人則私販必至橫行官引必至壅塞臣部覆

准查賦役諸書兩浙臣所轄州縣俱有額設民壯雖新定經制偶未開載似應查照原設名數招人應當嚴為巡緝應用工食於存留項下支領仍將應設民壯應支工食各數目報部核銷

一順治肆年拾貳月兩浙巡鹽御史王燮為引課規制未定款項宜清題稱臣查部劄開兩浙引價銀壹拾

伍萬伍千陸百陸拾玖兩壹錢五分又開舊餉銀壹拾肆萬伍千兩新舊參差致有缺額夫引額益斤既已奉行

新制而餘益加課仍欲取盈舊數此固萬萬不能者也臣謂欲求畫一總不越部劄中引制既定課銀亦可因之以定之二語夫每引叁錢伍分為率此無論肆拾肆萬與陸拾陸萬俱可按引而計者也而就中當分別正雜二項不因引課而起者應別列之為雜項其因引課而起者總當歸之於正項除明季續加各項

遵奉

恩詔蠲免之外如各縣場課稅銀壹萬捌千捌百肆拾壹兩伍分係給商庫價之餘又功績益銀柒千叁百壹拾伍兩船物銀肆百兩水手銀壹百兩係派之各州縣者應作雜項不當混入正項如庫價銀玖萬陸千玖百伍拾玖兩陸錢肆分貳厘即各場竈水鄉蕩價銀兩舊例邊商中粟於邊支益於場每引各竈給益貳百斤各竈折價以給邊商原屬引課應歸正項引價銀肆萬肆千肆百柒拾陸兩玖錢原屬引課應歸

正項餘鹽銀捌萬貳千貳百捌拾貳兩零原屬加鹽
捌拾斤者今已減斤增引應作引課以歸正項加餘
銀壹萬肆千玖百貳拾柒兩零亦屬加鹽者應作引
課以歸正項代票引銀壹萬肆千肆百伍拾玖兩零
係代票行引者今票已盡革原屬引課應歸正項漂
課銀肆千兩因漂陽原食淮鹽後改食浙鹽而增者
原屬引課應歸正項靖江縣包引銀壹百捌拾貳兩
零原屬引課應歸正項合計正項銀共貳拾伍萬柒
千貳百捌拾捌兩零即以陸拾陸萬柒千有奇之引
計之尚有浮額與其頭緒紛繁多開名目曷若統歸
畫一總撤相符臣部覆

准查兩浙鹽課臣部裁定經制歲行新引陸拾陸萬柒千
有奇納引價拾伍萬伍千陸百餘兩餘鹽課銀拾肆
萬伍千兩行已叁年今鹽臣以定規制清款項為請
臣等細加查核除款項相同外如州縣場課稅銀壹
萬捌千捌百肆拾壹兩伍分原以補餘課之缺者今
以為給商庫價之餘庫價玖萬陸千玖百伍拾玖兩
陸錢肆分貳厘原係給商今作引課餘鹽銀捌萬貳

千貳百捌拾貳兩貳錢陸分伍厘原係正項但原額拾肆萬伍千因有不足故以新加餘鹽等九項足之引價原以拾伍萬伍千陸百兩有奇今以為肆萬肆千肆百柒拾陸兩玖錢於鹽法考殊覺未合似應各仍其舊應解京者解京應給商者給商庶於額課無虧於款項亦免紛更也至於漂課原係改行浙鹽靖江包課原在額引之外均應照數解部

一順治伍年陸月督理浙淮鹽務侍郎李茂芳題稱臣奉

命駐劄揚城督理浙淮鹽務兩浙地方遠濶鞭長莫及臣

擬躬親巡歷整理疏通臣部覆

准李茂芳原為印發引目而設若巡歷兩浙往返必得兩月引目誰為印發且原無此例似不必行若地方果有私販盛行官鹽壅滯情弊請

勅巡鹽御史極力釐剔

一順治柒年柒月兩浙巡鹽御史王燮題稱查前鹽臣所定徵解之例較之部額引價則缺額壹萬肆千貳百有奇歲解則缺額陸千肆百玖拾餘兩作何議增

臣部即移咨都察院轉行該巡鹽御史查議續據回覆前來臣部會同都察院覆

准查兩浙運司明季歲行肆拾肆萬肆千柒百陸拾玖引每引應徵給商引價銀叁錢伍分共徵銀壹拾伍萬伍千陸百陸拾玖兩零又應徵解太倉餘課銀叁錢貳分陸厘壹絲壹忽玖微零該銀拾肆萬伍千兩二項共銀叁拾萬陸百陸拾玖兩零而天啟崇禎節年增加雜項等銀不與焉我

朝新制以二引改行三引共計改引陸拾陸萬柒千壹百伍拾叁引邊商不設引從部發前項引價餘課俱作解京正項每引應徵銀肆錢伍分陸毫柒絲肆忽玖微伍纖正合原額叁拾萬陸百陸拾玖兩壹錢伍分之數是引雖分而課仍舊也前據該御史疏稱餘課拾肆萬伍千兩內缺額陸千肆百玖拾貳兩壹錢陸分查新加蕩地稅銀伍千兩乃萬曆年間抵補已載在鹽法考徒課銀貳百叁兩原係拾肆萬伍千內應徵之數自應照舊起解其缺額壹千貳百捌拾玖兩一錢陸分議將仁和等場新漲蕩地稅銀陸百陸拾

壹兩零崇明縣餘糧銀捌百叁拾兩零通融抵解以
補課額似應允從又稱引價拾伍萬伍千陸百陸拾
玖兩壹錢伍分內缺額銀壹萬肆千貳百叁拾貳兩
陸錢零在明季係邊內兩商隨時交易故有低昂今
邊商既裁引價已歸正課非同給商之比自應照額
辦解無容減縮又小票改引銀陸千叁百餘兩靖江
包課銀壹百捌拾餘兩溧課銀肆千兩原不在此數
內均應照數解部不得濶入額課以虧正項再查割
沒加鹽向惟兩淮有之兩浙舊無此例難以創行以
上俱詳考舊章酌定新制毫無例外增加以累商竈
至於雜項內有滴珠銀壹千肆百伍拾兩巡鹽贓罰銀
柒千兩裁省京書銀壹百貳拾玖兩肆錢俱係萬曆
年間加派之數應與正項按數徵解通

勅該巡鹽御史行該運司查照徵解永為遵守

一順治柒年玖月兩浙巡鹽御史王爨為改引課價懸
殊謹酌定則額以便通行題稱兩浙鹽法於正引之
外設有小票蓋因近場產鹽之地鹽價既賤肩販衆
多其勢不能行引而行票除明時已改台引之外尚

有仁和等壹拾陸縣向行小票共拾肆萬肆千壹百
張今改票行引惟是負販窮民既無重資就彼販賣
又鮮厚利舊例票稅每張不過叁分今引價則以叁
錢伍分為率以一倍之利而責拾餘倍之償其勢萬
萬不能查浙中引課原有上中下三則即前朝代銷
台引亦照下則派納今計壹拾肆萬肆千壹百之票
不過肆千叁百貳拾叁兩之稅議改伍萬柒千貳百
玖拾伍引照溫所下則每引納課銀捌分肆厘玖毫
引價貳分陸厘陸毫柒絲共引課價銀陸千叁百玖
拾貳兩肆錢叁厘壹毫較之前稅已浮蓋此項改引
原在正額陸拾陸萬之外者涓滴皆為贏餘臣部以
疏內未有小票改引行鹽數目且浙中引課疏稱三
則部籍無考仍行該御史確查據回稱兩浙杭嘉紹
等所分派上中下三則起於嘉靖年間巡鹽鄢御史
因地肥瘠裒多益寡總合京解年額與課數無虧相
沿已久若夫仁和等拾陸縣小票向年原行拾肆萬
肆千壹百張每張納稅叁分行鹽百斤今改引伍萬
柒千貳百玖拾伍引每引行鹽貳百斤照依溫所下

則每引正課引價銀共壹錢壹分壹厘伍毫柒絲歲
該陸千叁百玖拾貳兩肆錢零解京臣部又以仁和
等縣領票行鹽果否盡係肩挑小民應否照下則納
價咨浙江督撫令查明確續據該督撫陳錦蕭起元
回稱小票一案因易於假充故今改票為引以杜私
賣今仁和錢塘海寧崇德山陰會稽蕭山餘姚慈谿
定海等拾縣各縣官領引轉發小民肩挑至鄞縣奉
化上虞象山平湖海鹽等陸縣名雖商人然亦不過
就地完銷原係土著行票之商人非納引遠涉之商

人也實與小民無異且均地臨邊海似應如議俱照
下則納課臣部覆

准查仁和等拾縣或係附郭或近省會應與額引一例徵
課即云負販窮民額課難辦或少減引數可也至於
勤奉等陸縣土著亦係商人應與額引一例徵課
一順治拾年肆月臣部題為閩領引目查淮浙鹽引明
季原係南京戶部印給無需腳價我

朝引從部發順治貳年間因道路多梗各商每引捐資伍
分赴部關請至叁年設立引部引從揚州印發每引

止納辦引紙價叁厘餘經議裁柒年引部撤回引仍
部發兩淮各商每引議紙硃脚費貳分伍厘兩浙稱
無此例目今奉

旨差官赴臣部領引前費自應還商除紙價叁厘仍照例
解部辦引外脚價貳分貳厘查非正項錢糧應請永
為裁豁以昭恤商至意奉

旨依議着永遠遵行

一順治拾年肆月臣部題

准查兩浙鹽法綱引之外又有仁錢等縣小票以其地近

鹽場價值甚賤貿易皆有肩販窮民不可與綱引一
例論也第我

朝鹽制一切印票俱不准行前鹽臣王爨遵新制將兩票
改為壹引照溫所下則例增課貳千餘兩臣部議應
與額引一例徵課少減引數駁查至再今據鹽臣趙
維旗於前增數外又議增票引壹萬柒千肆百伍拾
伍引增課壹千玖百肆拾捌兩以足原額柒萬肆千
柒百伍拾引歲共徵課捌千叁百肆拾兩肆錢叁厘
壹毫伍絲較之明季票稅已增肆千餘兩所云額引

一例徵課事屬難行相應允其所請定為經制以垂永久

一順治拾貳年拾壹月兩浙巡鹽御史祖建明為捕兵工食奉裁功績難以責成題稱兩浙行鹽銷引南則毗連蘇松常鎮徽五府廣德一州西則接壤江西廣信一府濱江帶湖地方遼濶時多大夥私販致碍商引官鹽故各府州縣巡司衛所設立捕兵巡緝給以工食限獲鹽船歲解功績銀柒千捌百餘兩欠獲擬罪有功給賞載在歷規相沿已久因順治叁年間督

臣將賞課工食二項具題克餉原為一時那濟之策至伍年鹽臣王爨題請仍奉

旨照數復給工食在案今因止息兩載糾劾無人不特地棍鹽梟興販復熾而武弁營兵更多列械連艘私侵國利公行無忌責之鹽官則藉口鹽捕奉裁責之捕兵則裁汰之役私鹽橫行引課日誦故鹽捕萬不可裁但日給工食貳分尚不足一升之粟何能使其鼓勇故賞課又不得不清查賞課銀兩順治柒年以前解充兵餉應聽藩司於餉部交存銷筭每年額該臣衙

門支賞者肆千玖百柒拾玖兩玖錢伍厘捌年起至拾壹年止臣衙門不行支給各屬多有不解藩司乞勅布政司清追解部而拾貳年起應歸臣衙門照舊給賞巡鹽官捕以責用命臣部覆

准查賦役全書開有巡鹽捕役其工食於原額民壯內總編臣部於順治肆年

題覆令照舊於存留項下支領至於給賞鹽課銀兩順治柒年以前解克兵餉應聽藩司與餉司銷筭其捌年起至拾壹年止共銀壹萬玖千玖百壹拾玖兩陸

錢貳分未會支賞請

勅藩司清追解部其拾貳年賞課銀兩值茲錢糧匱乏仍行解部以佐軍需

一順治拾肆年拾貳月兩浙巡鹽御史石維崑題稱戶部題覆御史王秉乾直陳財賦之先着一疏內云兩浙公績票鹽庫價三項已於順治五年題入正額其票鹽銀捌千叁百肆拾兩肆錢零功績銀柒千叁百兩庫價銀玖萬陸千玖百伍拾玖兩陸錢肆分按年徵解但庫價一項明季原係給商今我

朝無給商之例應照兩淮商鹽折價一體解京而欺隱等
弊請

勅巡鹽御史查奏臣查庫價之徵其來久矣考之明季邊
中海支因邊商守候艱苦乃設內商買補行引於是
內商引價每引定價壹錢叁分伍厘年該伍萬捌千
柒百玖兩伍錢捌厘竈戶不納嚴鹽而課丁蕩每引
定價貳錢壹分伍厘年徵銀玖萬陸千玖百伍拾玖
兩陸錢肆分貳厘徵貯司庫二項總給邊商以償原
納草料秫豆折價銀拾伍萬伍千陸百陸拾玖兩壹
錢伍分之數是以舊額解京鹽課僅止拾肆萬伍千
兩我

朝引不邊中銀無給商前項引價庫價總歸解京是以兩
浙鹽課始有叁拾萬陸百陸拾餘兩之額歷年照數
徵解原無給商有所欺隱也查前鹽臣王燮順治肆
年陸月內具題引課規制未定款項宜清謹會計分
疏臚列

上陳事一疏內開一款其因引課而起者總當歸之於正
項如庫價銀玖萬陸千玖百伍拾玖兩陸錢肆分貳

厘此項即各場竈水鄉蕩價銀兩舊例中粟於邊支
鹽於場每引各竈給鹽貳百斤後因內商行引各竈
折價以償邊商原屬引課應歸正項題明在案則此
庫價銀玖萬陸千玖百餘兩久已題歸正項按年徵
解矣臣部備查庫價一項銀玖萬陸千玖百伍拾餘
兩非商人所納之課乃各場竈水鄉灘蕩等地之課
也明季因有邊商中粟於邊支鹽於場將前項銀兩
徵收貯庫候給邊商故名庫價今我

朝引不邊中鹽不海支亦無給商銀兩凡屬水鄉灘蕩所

出租賦稅銀俱歸雜項盡解部庫以充兵餉如兩淮
則名倉鹽折價長蘆則名邊布俱在正項額外而兩
浙庫價即兩淮之倉鹽折價長蘆之邊布名異而事
同總屬給商銀兩應自順治拾叁年題覆之日為始
將每年庫價銀兩徵收解京充餉不得仍入正項課
內其以前代商完過庫價有無欺隱情弊應否追徵
請

勅該撫按并巡鹽御史查明議奏續據浙撫陳應泰會同
巡按王元曦巡鹽于嗣登覆稱庫價一項明季原因

邊商納粟於邊赴浙支鹽以償原本後因守候艱苦
乃設內商買補銷引得引價伍萬捌千餘兩之外復
令竈丁不納鹽而納丁蕩每年徵銀玖萬陸千玖百
伍拾玖兩有奇以其徵貯司庫而後給發謂之庫價
總以償邊商邊中之價也是以明季解京鹽課額止
壹拾肆萬伍千兩迨我

朝鼎建無邊商中引之例前項引價庫價俱歸正額故解
京鹽課共叁拾萬陸百陸拾餘兩之額是徵收竈丁
賦稅銀兩上納司庫昔以給償邊商者今以起解赴

部在竈戶未嘗加多而內商未嘗減少自前及今一
遵定額初非代商完課而有欺隱情弊也今若議此
庫價玖萬陸千玖百餘兩另徵解部充餉不入正課
似應於各商名下徵解但竈丁勢必煎鹽以償各商
之配掣是竈戶既供煎辦不能復納課稅贏於商納
者絀於竈辦鹽筴國家大務勢難於定額款項之外
加編相應據實查奏臣部覆

准查兩浙明季額徵解京正雜鹽課銀共貳拾貳萬柒千
叁百拾陸兩叁錢此外庫價銀玖萬陸千玖百伍拾

致兩捌錢零明季原係徵給邊商不入解京數內我朝無邊商中引之例將此項銀兩於順治伍年間具題歸入正額共解京正雜銀叁拾貳萬壹千柒百柒拾餘兩臣部兩次具題徵收解京蓋因恐有欺隱情弊今該撫按鹽臣會查明白俱歸正額並無欺隱情弊應照額徵解不便另徵

一順治拾肆年拾貳月兩浙巡鹽御史石維崑為恭報清丈新陞蕩課題稱許村等拾玖場丈出漲蕩及新墾成熟地各陞科不等每歲共新陞稅銀捌百捌拾

貳兩壹錢壹分柒厘叁毫柒忽應自順治拾肆年入額徵收為始其台溫貳府所轄黃巖永嘉等捌場見今海氛出入竈丁逃亡稍俟寧謐另行清丈臣部覆查兩浙共叁拾叁場原額蕩稅銀玖萬陸千餘兩今疏止開拾玖場內丈得新增銀捌百餘兩其餘捌場另行清丈查原額場數尚有陸場未報并拾肆年以前未徵緣由請

勅該御史清查仍將其場原額蕩若干每蕩稅銀若干新漲蕩若干稅若干造冊具

題續據益臣于嗣登回稱未報陸場查仁和場清丈未
竣青村浦東袁浦叁場未據申報西路場原無蕩地
玉泉龍頭場並無新陸故前報新稅數內未經具列
又據仁和場報陸稅銀壹拾肆兩柒錢陸分柒厘伍
毫浦東場議加陸稅銀柒拾壹兩捌錢捌分叁毫叁
絲袁浦場議加陸稅銀貳拾肆兩叁錢貳分柒厘壹
毫青村場議加陸稅銀柒拾陸兩肆錢貳分陸厘查
拾肆年以前未徵緣由因各場濱海坍漲不常未奉
清丈之前不敢私佃故止以拾肆年清丈為始徵解

其溫台等捌場內台屬杜瀆黃巖長亭叁場送到丈
冊共計新陸稅銀肆拾叁兩柒錢柒分柒厘肆毫陸
絲伍忽溫屬永嘉等伍場海氛出沒各竈星散俟丈
明另送并各場清丈簡明文冊見在臣部議覆溫屬
伍場未丈場地應俟海氛蕩平再議清丈其浦東等
叁場未經清丈各議徵稅深屬未便仍

勅新任御史將各場確勘明白造冊題報於康熙元年貳
月據該御史蕭震覆稱浦東等叁場新陸蕩課一案
先經前御史于嗣登遲日異兩次回覆又蒙部駁查

今據運司分司并各場官覆稱清丈之時原無新漲
是以竈催公議加陞前稅共銀壹百柒拾貳兩陸錢
叁分叁厘肆毫貳絲自願樂輸並非奉文加派亦無
欺隱再查各場題報新陞稅銀共壹千壹百壹拾叁
兩叁錢壹毫壹絲陸忽自拾肆年起科為始臣部覆
准查浦東等叁場新陞銀共壹百柒拾貳兩陸錢叁分零

既經該鹽臣查明原無新漲蕩地前銀係各竈樂輸
並無加派欺隱應同各場新陞稅銀共壹千壹百壹
拾叁兩叁錢零自順治拾肆年為始照數解部以後

仍按年徵解以濟軍需

一順治拾陸年貳月兩浙巡鹽御史于嗣登為舟山鹽
課無從徵解仰祈豁免題稱先據前差臣石維崑疏
稱定海縣所屬舟山鹽課銀共捌百柒拾肆兩陸錢
叁分玖厘柒毫陸絲柒忽柒微拾叁年寇踞無徵拾
肆年奉

旨起遣人民所有每年額徵空懸無憑催徵臣部議行該
御史再行查明具奏續據該御史覆稱查得定海縣
年額水鄉蕩塗商稅正雜鹽課壹千柒百叁拾餘兩

數內有舟山陸厘越居海外派徵銀捌百柒拾肆兩
陸錢零於拾貳年拾月內海逆盤踞拾叁拾肆年錢
糧一槩虛懸今從前之舊欠以後之正額似當並為
開除臣部覆

准查舟山既於拾叁年以後奉

旨起遣人民既無追徵相應免其追解

一順治拾陸年陸月兩浙巡鹽御史遲日巽為鹽政敝
壞已極立法亟宜疏通題稱一京口盤驗之宜密也
兩浙食鹽全賴括海濱之土淋滷煎燒工力不易較

之淮鹽價相懸殊所以淮浙接壤之人莫不利食淮
鹽往往回空糧艘官座兵差船隻悉帶淮北鹽斤進
鎮江蘓常各府貨賣以致官鹽阻滯官引壅銷乞

勅令鎮江府海防同知並協守鎮江副將日在沿江關口
躬親巡緝遇有前船進關即便登舟盤驗一有夾帶
即許嚴拏報臣審實

題叅倘本官疎於覺察併行糾處一借巡私販之當嚴
也駐防將領原以捍衛疆圉今則不肖兵弁每借巡
哨名色坐駕雙桅船隻興販私鹽或護送鹽梟發賣

村市橫肆無忌雖經前益臣歷歷叅拏恬不知警乞
勅各督鎮將領務須嚴加鈐束不得借巡私販如有違犯
特疏

題叅一分司督課之宜核也兩浙設分司官肆員其一
松江運同一寧紹運副又嘉興運判溫台運判各有
督催場課稽煎竈鹽之責但分隸之地遠則千里近
不下伍陸百里則共駐省城差檄催呼鞭長莫及乞
勅部酌議移駐松嘉寧紹溫台就近督課稽煎每月催過
鹽斤若干該場完課若干造冊報臣嚴加查核倘有

後時缺額者臣以叅處隨之一諸商勸懲之典宜明
也商人輸資納課向有優恤之典况今軍需告急朝
奉部撥夕當措解所賴見在各商急公告完臣自抵
浙凡有司封船阻運差泝滋擾及地棍砌訪誑詐兵
丁以低假銀錢強買商鹽俱通行嚴飭但諸商急公
好義者固多而奸頑逋課者恒有若非申明勸懲之
條則喫緊軍需從何疾應容臣差事竣查諸商完課
銷引足額者

題請優紀給匾示勸課引缺額者開列花名欠數報部

究追臣部覆

准查夾帶私鹽一款先據兩淮鹽臣姜圖南疏請回空船
隻委揚州鹽政廳驗視放行臣部恐官卑不足彈壓
請

勅關津蒲漢各官一應南行船隻用心盤驗如無私鹽方
准放行奉

旨通行應再

勅該御史轉行各關同知等官在關者仍聽該關官嚴加
查驗沿江者聽同知副將等嚴查緝獲如有隱漏不

行查出即將該關同知等一併題參又借巡私販一
款查私鹽屢奉

嚴旨禁革該管官即當嚴拏依律治罪何任其縱行甚屬
違法嗣後如有此輩與販私鹽該御史即將該官
官一併題參議處又分司督課一款查兩浙分司有
四原各有分管地方今欲移駐該管地方果否與鹽
課有利明季舊例作何遵行請

勅撫按會同巡鹽御史酌議具題又諸商勸懲一款據疏
稱完課銷引足額者給匾示勸課引缺額者開列欠

數報部追究應如鹽臣所請酌量舉行

一順治拾陸年拾月兩浙巡鹽御史遲日巽題稱據兩浙網商朱永祚等呈稱浙東自順治叁年陸月內大兵渡江原比兩淮遲行鹽壹年見今與淮商一樣追銷壓欠之課實是多徵壹年又加增引課肆萬伍千兩舊引堆積司庫者肆拾餘萬存部者捌拾肆萬肆千有奇愈加壅滯課逋日甚呈請設法疏銷等情戶部行臣查明具奏臣查兩浙年來海氛未靖寧波溫台叁府沿海壹拾伍場商逃竈窟廬舍多墟正引加

引多在塵封按額比商苦難挖肉更有歷年壓欠之課並捌拾餘萬帶銷之引壅滯不楚淮浙歸誠先後有別行引徵課實在叁年拾月間也今計部以軍需告匱持籌賦額淮浙引課一例起科清筭故有欠課壅引殊不知淮浙歸版各有前後似難一概起科况又新增課銀肆萬伍千兩加引拾萬年來皆屬不行各商比照長蘆經制情願完課不敢請引即請引無地行銷今以在浙舊引之未銷者肆拾萬計存部之未領者捌拾萬有奇日逋一日年壅一年又復責以

帶銷無怪乎徵解之難足壓欠之難楚也乞俟溫寧
台郡晏清即當遵照輸納暫寬額外之徵以解倒懸
之苦臣部覆

准查兩浙引壅壹年原因順治叁年拾月間江東始復拾
月方始行鹽以致引目壅積故臣部已將未領捌拾
餘萬之積引自拾陸年起分作肆年帶銷業經題奉

俞旨今鹽臣以海氛擾攘商人困苦疏請緩徵應如所議
除見年額課如數徵解外其所積之引課暫寬自拾
捌年為始將積引照季責令關領按年帶銷全完至

於新增拾萬引請照長蘆之例加課而不加引應如
所請將新增拾萬引減去其新增肆萬伍千餘兩課
銀加于舊引之中照額徵解

一順治拾柒年貳月禮科右給事中楊雍建為鹽法有
難清之弊積蠹多端據之奸題稱兩浙年鹽陸拾陸
萬柒千引零每引額鹽貳百斤加包索滷耗貳拾斤
浙西包補課又加柒斤此定例也邇來運鹽有重
至貳百陸拾斤者及赴所秤掣尚有餘斤割沒夫每
包之數加重至叁肆拾斤是拾引之中夾帶幾及貳

引通計壹歲額銷正引內帶無引私鹽拾餘萬包矣
民間食鹽有數引內夾帶無窮伍陸年間必且壅一
年之課此當清厘者一也引鹽掣發過所浙東由富
陽三關浙西由蘇湖二門向例府縣秤盤及到應賣
地頭亦聽印官抽驗然後開引近聞關門槩行點包
地頭不復秤驗不惟引鹽原重而地頭添灌夾帶彌
多鹽斤之重愈甚則引目之銷愈艱此當稽核者一
也杭郡之餘杭地連徽嚴向止有肩挑小票不設引
鹽比聞新立小引乘機夾帶私販他方松屬之華亭
青浦上海叁縣引鹽例於蔣涇埠秤掣以其僻在海
濱無碍他處行鹽地方也若蕪屬之崑山常熟嘉定
太倉舊例必於嘉興所秤掣近且移併蔣涇埠改為
松江所秤掣之後不由嘉興竟往各州縣地僻港多
無從查核聞有加重至肆伍百斤者私販行則正引
滯鹽斤重則銷額遲此當更革者一也臣聞兩浙巡
鹽衙門書吏承差各役多屬積年奸棍或父子兄弟
相繼占戀或伯叔甥舅表裏為奸隱姓易名移甲換
乙其作弊嚼商科派索詐之事不可枚舉大抵書吏

把持於中承差奔走於外戶部一例之舉行動謂由承差之幹辦鹽臣一事之興革即稱係掌案之轉移派京費則每引均攤勒使用則挨家需索如部發引目已索油布腳價盤費乃所必需及解部硃紙每引不過分厘之間而比聞派至陸分以外秤掣鹽斤照額為準平則放行多則割沒本有定規何須使費近聞每次掣鹽未掣之際先定鹽斤割沒之多寡悉聽書承講定任意低昂及秤掣之時書役有免委減斤加鈎批掣供應公費之需求承差有監掣監倉傳旗叫牌填封發封催掣擺幫之橫索名目甚多費用難紀且如沿海縣場歲稱本折額課定以三限全完邇來未至限期運司分司紛紜差擾重以巡鹽承差接踵屢催動輒科索窮竈其何以堪又如私鹽之禁職屬官捕遇有大夥鹽梟及勢豪窩頓捕役力不能剿者應聽該地方府縣官據實申請設法擒拏亦須船鹽見獲始有實証乃或止憑承差片紙之申報即差提四出嚇詐咆哮審質則事無確憑而差掣則家已立破夫承差止供齋奏之用豈應承票催餉提人總

由與蠹書表裏交通多方作弊凡可以嚇詐誅求之法無所不行則商安得不貧引安得不壅臣請

勅部嚴行該差御史逐一弊端徹底清查是否有無詳確具奏并察積蠹壞法之奸訪實嚴究剔弊甦商庶舊課可以漸銷新引不致復壅臣部覆

准查鹽法事宜貴在興利除弊一日不清則害一日不除兩浙之引壅課詘皆由於此若不嚴加釐剔弊將安底應如科臣所議相應

勅該差御史將前項弊端逐一徹底嚴行清查訪實指名

題叅

一順治拾柒年叁月兩浙巡鹽御史余司仁題稱臣聞蘇常鎮等府瀕海環江私鹽飛渡官引莫售詰所由來則曰北鹽攬賣來自津淮其夾帶於糧座等船者已經前御史遲日巽題

請責成鎮江協將防官搜諸江口矣惟是悍兵橫販連踪列械官捕不敢過而問焉及今不為重創將來流害何窮除飛檄巡鹽官密緝嚴拏及各將領約束禁戢并查是何標營廢紀失律俟有確據另疏叅

奏外但刑懲於後不若令誠於先臣一面移會鎮海大將軍并提督諸臣明申禁約乞

嚴飭地方在事臣工毋得縱容兵將倘有仍前興販毋論兵丁俱許官捕同地方人等協力擒拏一體依律追沒治罪臣部覆

准私鹽之禁屢經奉

旨嚴行申飭今稱悍兵興販至使地方官捕并住賣商人俱付之無可如何如此橫行成何法紀應

勅該御史嚴行察訪不論是何官旗將領訪實指名題叅

從重議處嗣後如再仍前興販許該地方官捕立刻擒拏申報並臣一體題叅依律治罪

一順治拾柒年陸月兵科左給事中孫際昌題稱私販藉訛姦益熾商資與額課俱虧請

勅嚴拏以肅齷政臣部覆

准查私販一款屢奉

嚴旨通行禁緝今科臣疏稱兩浙行鹽之地如蘓松常鎮杭嘉湖寧紹溫台等府在在瀕江環海私鹽興販滿載公行填塞鄉鎮總由一種刁棍結連梟孽魚肉小

民指名窩匿則身家立破脅制官府則捏造鬼名百計阻撓似此橫行成何法紀應如所議相應

勅下鹽臣將前項刁棍不時訪拏懲究以靖地方仍檄令沿海州縣等官嚴行緝獲如有隱匿情弊即行指名題參從重議處

一順治拾柒年柒月兩浙巡鹽御史余司仁為引壅商困懇憐壞極難轉之時勢恩准援例變通題稱兩浙引課戶部題定經制歲額應行小引陸拾陸萬柒千壹百伍拾叁引壹百斤徵縣場商課銀叁拾萬陸百

陸拾玖兩零徵解由來久矣叁年浙東陸月始平奉部按年發引遞壓至今兩浙未領積引共有伍拾餘萬近因拾叁年奉文兩浙歲加引日拾萬道增課肆萬伍千餘兩緣從前額引尚多壅積新加之引勢難行銷課銀照數增派商人攤完是以近年課額增至叁拾陸萬有餘商人既苦買補復難賣銷課銀加增而撥餉甚急引日壅積而商人愈困矣至若拾肆年冬至拾伍年秋四季引課雖奉

俞旨准於拾捌年起分年帶徵不過暫緩追呼轉瞬又及

帶徵之期即商人每年應完舊額新增貳拾貳萬玖千伍百餘兩之課尚虞徵納難前若再加帶徵一季之課則重困曷可勝計今據六所商人呈懇援淮北事例減斤銷引之法查杭嘉紹溫台松六所甌規原載每引應行正鹽貳百斤包索貳拾斤杭嘉松叁所浙西包補課每引又加七斤此定例也今兩引折行壹引伍分之鹽減斤併包計筭各所每包應行正鹽叁百斤折加包索叁拾斤杭嘉松叁所仍折價課鹽斤拾斤捌兩此即筭折引目鹽斤之定數也今

各商仰體

國課為重請援兩淮減斤銷引之例行之兩浙其法納兩引之課止行引半之鹽以引半之鹽併作一包以一包之鹽兼銷兩引則鹽少易銷將累年已領之鹽引可以漸次疏通及未關之部引亦可漸次領用在各商鹽減雖有虛賠之課而包併亦省船脚之費公私兩利俟壅積舊引行銷完足仍照舊奉行臣部覆議查兩淮鹽臣李贊元以淮北鹽壅難疏將貳引合為壹包實為速課便商之善策奉

旨遵行在案今鹽臣余司仁請援兩淮併引之例行之兩浙既與課額無虧相應准從俟舊引銷完之日仍照舊例遵行至於課課一項每引加鹽柒斤臣部並無此例應

勅該御史確查多帶情由速行具奏續據鹽臣蕭震覆稱課一項始於明季崇禎玖年因溧陽一邑改食浙鹽故浙西杭嘉貳所歲增課肆千兩至崇禎拾肆年將嘉所之嘉定崑常等引改為松所秤掣而課斤仍照前分派每大引加鹽拾斤我

朝鼎革之後改大引為小引每引攤納課銀玖厘捌毫伍絲柒忽柒微加鹽柒斤今減斤併包每引應加鹽拾斤課仍照舊并無多帶臣部覆

准查

本朝行鹽經制各運司俱以貳百斤為一引兩浙運司將加增課銀肆千兩雖經題歸正項按年徵收而臣部覆定經制疏內並無浙西每引加鹽柒斤字樣豈容任意多帶且又稱增課加斤原卷年久無存無從稽考止據各商口稱不無借辭虛飾仍請

勅該御史仍照新例遵行不許多帶

一順治拾柒年拾貳月兩浙巡鹽御史余司仁為亟請
新摺以速掣運題稱兩浙冠逆頻仍引壅課墮臣前
具有引壅商困等事一疏題

請減斤併包以速轉輸接閱即報戶部覆臣前疏奉有依
議速行之

旨但商鹽完課必由掣銷掣鹽必以部摺為準向以貳百
斤為壹引故部頒在所舊摺止貳百斤耳今若併引
掣運則以叁百斤為一包舊摺輕重懸殊思欲增摺

秤掣未敢自為擅鑄若俟部摺到日舉行則京浙相
去幾肆千里往返動經數月若停掣以待是欲裕課
而返墮課也臣一面督商照舊捆運赴掣辦課外乞
勅部速鑄叁百斤新摺或止鑄壹百斤者合之舊摺共重
叁百斤以符併包之數統祈即為頒發到浙以便較
法陸所遵行併包掣放臣部覆

准查兩浙原因引壅課墮故議減斤併包以完積逋今鹽
臣請部頒摺應如所請給發但鑄造請領往返必須時日
恐致悞課今鹽包既有叁百斤定數應

勅該御史自應如式鑄造較準行用以速運鹽如有輕重情弊該御史自任其咎俟鹽引完日將新摺銷毀照舊行使舊摺

一順治拾柒年拾貳月兩浙巡鹽御史余司仁題稱查科臣楊雍建疏稱兩浙從前諸弊行臣逐一清查指參一則曰鹽斤加重所當清釐一則曰關門賣地所當稽核一則曰松所秤掣所當更革查松所設於明朝又復新經

題定司議遵行已久商

國兩便似難更張至於關門賣地向例印官秤盤日久廢弛臣遵即嚴行申飭矣惟是商鹽赴所秤掣輕重原自不齊有照額搃準者有浮重壹貳斤者甚至承酒底包重及伍陸斤及柒捌斤不等總不外於平則放行多則割沒之例累年報解割沒銀拾萬餘兩即此不等多斤通盤積筭之數也是科臣之言非屬無因而加重之益已歸於

公帑又無可深求者若引目一項紙硃銀兩每引叁厘自有常額解部矣他如腳價包索等費皆係領引商

人自備時有低昂不一自與商夥清筭不經院司衷核總緣向無定額耳今後或部議額定數目嚴飭遵行毋許絲毫浮派可也若衙役一項骫法蓋其素習也使覺察稍踈便至作奸叢弊科臣請

勅訪實嚴究誠屬剔蠹蘇商起見但查臣衙門書承等役自順治拾叁年奉例納銀之後陸續添撥不一俱非又懲之後至欲按其作奸實跡到處行查從無揭報編示招告竟無的憑臣仍嚴加細訪俟有確據另行補參嗣後更加整刷務使弊絕風清茲臣鹽俱親掣

母容各商藏奸事事親裁母容左右旁竊皆競競以釐奸剔弊勉循職業臣部覆

准查科臣原參每引運鹽有重至貳百陸拾斤民間食鹽有數引內夾帶無窮今鹽臣稱每包輕重原自不齊有重壹貳斤伍陸斤柒捌斤不等總不外於平則放行多則割沒之例累年報解割沒銀拾萬餘兩即此多斤之數查兩浙多帶鹽斤節年各鹽臣約報有割沒銀拾萬餘兩既已收解秤掣鹽斤鹽臣又稱躬

自親掣仍請

勅該鹽臣嗣後當嚴禁各商如有多帶至肆伍拾斤即以私鹽之律究治并不得批委屬員秤掣以踵前弊又疏奏引鹽掣發過所由關門向例府縣秤盤及到賣地亦聽印官抽驗今關門槩行點包地頭不復秤驗夾帶彌多今該御史稱已經嚴行申飭鹽俱親掣無容各商藏奸查關門住賣州縣自當嚴加掣驗今鹽臣既經申飭已如科臣所當稽核之議但恐日久廢弛應令不時禁飭永遠遵行又疏奏蘇屬之崑山等

處舊例於嘉興所秤掣改為松所秤掣之後不由嘉興竟往各州縣無從查核今鹽臣稱松所設於明朝又復新經題定商

國兩便查行鹽事宜惟在便商裕課今既以松所便於嘉興且歷自明季遵行已久似應照舊為便又疏奏巡鹽衙門書吏承差各役多屬積年奸棍表裏為奸荼毒商竈又稱部發引目包索油布脚價盤費乃所必需及解部紙硃每引不過分厘之間而聞派至陸分以外秤掣鹽斤本有定規何須使費今該御史稱

書承等役自順治拾叁年奉例納銀之後俱非久戀
之後到處行查徧示招告竟無的據其引目紙硃銀
兩每引叁厘自有常額脚價包索等費皆係領引商
人自備與商夥清筭毋許絲毫浮派查書吏承差通
同作奸乃其故習以後當不時嚴訪不得稍為徇縱
部發引目紙硃叁厘原有定額至脚價包索等費在
所必需既係商人自備臣部難以定議應令該御史
嚴飭毋許浮派以上諸款皆屬鹽政蠹弊應再請
勅該御史將一切弊竇嚴行申飭力為禁革如有積蠹作

奸壞法訪實指名糾叅務期弊竇盡絕

一康熙元年伍月兩浙巡鹽御史蕭震為敬陳溫所行
鹽之法題稱溫州所永嘉等伍場奉

旨遷徙鹽無煎辦引課虛懸屢集六所綱商從長酌議溫
課仍令溫商照原額按季辦納在于杭所秤掣原運
溫處府屬住賣不許混侵杭紹上則引地而買場議
以仁許貳場悉聽溫商買補按季督商完課應從拾
捌年夏季為始照例另冊編單請示候掣今將溫商
條議行鹽各款復加詳酌一掣鹽附杭所批驗所秤

掣務與杭鹽各分掣期以免船隻不敷爭攘混亂但
須年分肆掣每掣一季蓋因運至白溪埠水盡源窮
必上敷堆貯陸運過山或遇夫少必致指勒脚價致
滋阻撓合行禁飭一運賣掣過引鹽出艮山門過猪
圈壩進武林門城河出鳳山門過江壩由錢塘江至
蘭溪縣平渡鎮解包分為貳拾斤小筭船剝至武義
縣白溪埠上敷催夫挑至麗水縣太平埠下船裝至
處溫貳府住賣其鹽務必分筭者一便夫挑過山一
杜紹所金華包鹽拆販彼此混侵情弊一盤驗由富

陽桐廬嚴州三關盤驗過至武義縣白溪埠凡商運
到引鹽開明筭頭符合引數齋引程投縣驗明方許
上敷縣給印票發夫年終將商投報引鹽單數造冊
送司查核報院并檄行該縣非溫引筭鹽嚴禁越侵
凡商運到筭鹽該縣即驗明引程鹽數相符隨到隨
驗上敷不許衙役借端留難阻滯致誤轉輸一呈掛
水程處州府屬惟宣平縉雲二縣在處外壤各定本縣即
于白溪埠挑運該縣投銷其松陽遂昌雲和龍泉慶
元景寧青田柰縣總定麗水縣分買行銷温州府屬

瑞安平陽樂清泰順肆縣總定永嘉縣分買行銷但
引程既總投貳縣開銷而運鹽外縣須有照驗另請
給單填明照赴該縣投驗年終造冊送覈以憑考成
一嚴禁私煎越販溫所場竈雖遷但慮法久弊生在
溫恐有奸梟勾引防海兵丁私煎婪利應移會駐甌
院鎮申飭嚴禁在處陸嶺多歧最易越販將舊設鹽
捕肆拾伍名司給腰牌商備工食不費官糈應飭溫
處二府巡官調於私鹽入境要路巡緝庶引地肅清
商鹽易售臣部覆

准查溫所場竈已經奉

旨遷移產鹽無地額課無從出辦似應斟酌變通今鹽臣
議令溫所商人買杭所之鹽運銷溫所引額西所諸
商各無異詞相應如議准行以徵額課不得藉此紊
亂混行私賣至溫鹽附杭秤掣解包分箋通關盤驗
分買行銷并奸梟勾引防兵私煎立捕巡緝等款俱
應

勅下該御史嚴飭力行

一康熙元年伍月兩浙巡鹽御史蕭震為台所行鹽之

法題稱杭嘉紹松溫台陸所為兩浙壹拾柒郡行鹽之地嘉松浙之西也杭紹浙之東也而溫台又在杭紹之東近經遷移之後場竈既廢引地空懸再三詳酌惟有兼銷一策而溫台兼銷之法又只可行之杭紹二所過此則路益遠而轉運益難臣集運司并各商人議將溫所之引買補於杭所之場以行溫所之鹽則台所之引自當買補於紹所之場以行台所之鹽事同一例固無異說但紹台事勢尤有不同者按溫引年額貳萬叁百陸拾道行於壹拾伍縣台引年

額貳萬叁千肆百伍拾道行於陸縣台地少而引額獨增者蓋由向來台屬戶口繁多故照數派鹽較溫所有加今屢遭寇盜之餘戶口凋殘以致引壅課誦較溫所尤甚是以台商以必不能全銷為慮而紹興各場多不產鹽又於杭所有別若加貳萬叁千肆百伍拾引之鹽買補于不產鹽之場恐鹽缺而引益壅引壅而課益誦非兩所之利也臣故令各商人從長酌議為便通之計而陸所衆商願將台額改嘉所陸千引改松所肆千引即在貳所買補行鹽以代台所

銷額仍隨貳所照額納課計多出課銀玖百肆拾肆
兩叁錢柒分零其存額壹萬叁千肆百伍拾道令台
商買補於紹所各場運賣于台所各縣事屬妥便委
無異詞如是庶買補有場課額不虧陸所無不均之
嘆叁郡免淡食之憂所有該司條議行鹽納課各款
一議以改台所陸千引於嘉所改肆千引於松所代
銷課餉照本所完納但恐引日通塞不常俱照正額
均攤附同正引一體掣銷則趨避之端已絕若樂之
由同治一台所買補鹽場悉皆遷徙今議借紹場買

鹽應附紹興批驗所掣放年分四掣按季運派庶引
目不壅課餉不悞一引鹽掣過由義橋新壩出大江
過富陽桐廬嚴州三關盤驗運至蘭谿縣平渡鎮解
包分篾每篾裝鹽貳拾斤篾上另行加蓋以別溫台
二所之鹽及運到各縣開明篾數即將引程於該縣
投驗鹽斤符合引數隨到隨驗准其開賣毋許阻滯
致悞轉輸年終應令該縣造冊稽考一台所引額除
改銷壹萬道于嘉松貳所外其餘壹萬叁千肆百肆
拾玖引零合作壹萬叁千肆百伍拾引科筭今酌議

東陽縣派銷伍千引武義縣派銷貳千伍百引永康
縣派銷叁千伍百引天台縣派銷柒百引仙居縣派
銷壹千引寧海縣仍照舊額派銷柒百伍拾引以足
台額但查台州原隸陸縣今齟書止有寧天仙叁縣
其黃巖太平臨海叁縣向因附近鹽場原不派銷額
引今場竈遷徙議以分銷天仙等邑之鹽以濟民食
其天仙二縣因僻處山谷路遙跋涉引程恐違期限
今議以仙居壹千引之額引程分繳於東永二縣天
台柒百引之額引程投繳於東陽一縣該縣驗明印
給官票轉發天仙貳縣賣銷一武義縣原係台屬引
地今溫鹽假途經過若非嚴限批發過山恐滋侵賣
之弊合請申飭該縣巡關捕役不時稽察凡溫鹽運
到勒限批發毋許逗留以滋弊端相應一併

題明臣部覆

准查台所場竈遷移戶口凋殘議改嘉松貳所買補代銷
台額仍隨二所納課應如所議其多出課銀玖百肆
拾肆兩零每年照數解部尚有引壹萬叁千肆百伍
拾道准令台商買鹽於紹所各場運銷於台所各縣

至於秤掣盤驗改銷緝販等項事宜應令該御史一併嚴禁力行

一康熙元年玖月兩浙巡鹽御史蕭震為沿海竈丁遷徙懇祈減額題稱兩浙場竈環海而居皆倚草蕩樵採刮漚煎鹽辦輸課稅今查寧台溫各場竈丁奉文遷徙內地各竈戶蕩土遺棄界外者據查溫台寧通計奉遷壹拾叁場共棄置蕩地無徵銀玖千伍百陸拾柒兩肆錢伍分柒厘柒毫叁絲柒忽玖微肆塵壹渺肆漠肆埃捌織壹沙今康熙元年應照實在丁口

蕩畝徵輸前項無徵銀并拾捌年未完無徵之銀應當亟為蠲除以清解額臣部覆查兩浙運司丁蕩等銀即在額徵引課之內該鹽臣敬陳溫所台所行鹽二疏內稱場竈遷移地不產鹽議將溫台二所之引改派別所買補代銷課額不虧臣部覆

准在案今竈丁蕩地稅銀亦在引課之內自應一體派之未遷各場且閩省沿海居民鹽場亦經遷移止留肆場臣部查所留肆場必與先前鹽價騰貴將裁去各場之課着令肆場徵補足額覆奉

俞旨遵行今兩浙事同一體應令該鹽臣將遷移各場無
徵丁蕩課銀照數俱攤派於見在各場徵解不得有
虧額課于康熙貳年貳月續據兩浙鹽臣趙祥星覆
稱兩浙鹽課錢糧年額叁拾陸萬陸千肆百餘兩內
輸之於商者則係領引赴所買掣引課引價是也徵
之於竈者則係沿海蕩地煎辦謂之丁課蕩課是也
二者各別上年奉

旨遷徙溫台寧叁府長林等壹拾叁場竈舍地蕩圍至界
外康熙元年無徵額銀及拾捌年分未完蕩稅部議

照數攤派於見在各場徵解據該運司與嘉松兩分
司疊為詳請以竈稅與商引有分商人改所運掣仍
於故地行銷則食鹽之戶口尚在不過轉移煎鹽場
分故引課猶照額徵輸竈戶則蕩地煎場全棄界外
地土皆無賦稅何出况各場有各場之額課以元年
拾捌年遷棄無徵之場課驟然加攤于見在之各場
其各場既有本場之額徵又增代納之攤課年來荒
旱頻仍本場之賦稅猶苦催科忽然一旦加攤並增
一時惟恐負竈不能輸將恐將來丁逃蕩棄勢所不

免臣等以

國課攸關是未可與商人引課引價同日而語也今該司不敢有違部議將見攤元年拾捌年無徵之銀以康熙貳年為始分作肆年帶徵照各場錢糧之多寡計兩加派按歲科徵窮竈或可勉力拮据輸將若康熙貳年以後之銀似難再為議攤臣部覆

准查兩浙運司年行陸拾陸萬柒千壹百餘引每引原題徵銀肆錢伍分零縣場稅課俱在其內皆按引鹽辦課今遷徙之場歸併見在各場買補通省戶口食鹽

皆出於此其丁鹽俱宜倍于往時且引既照額買補課宜按引認納豈容借辭減豁應令該御史將兩年無徵之銀作速按引攤納以後照額徵解

一康熙貳年貳月兩浙巡鹽御史趙祥星為恭報清出縣場新陞稅課銀兩題稱順治拾肆年間前鹽臣石維崑奉文丈量沙地行據紹興府通判呈報餘姚縣并石堰鳴鶴二場共清出沙地伍千貳拾壹畝捌分叁厘零每畝應科稅叁分共計稅銀壹百伍拾兩陸錢伍分肆厘玖毫叁絲彼時因縣場交界地畝相聯

未經分晰縣場應徵細數覈查再四始有定議餘姚縣每年應陞稅銀伍拾肆兩捌錢壹分叁毫石堰場應陞稅銀玖拾貳兩肆錢柒分伍厘陸毫叁絲鳴鶴場應陞稅銀叁兩叁錢陸分玖厘俱於拾肆年丈量為始乞

勅部編入縣場額課以便照數追徵臣部覆

准查餘姚縣并石堰鳴鶴貳場共清出沙地伍千貳拾壹畝捌分清出稅銀自拾肆年起至元年止應照數追徵以後自康熙貳年起清出銀兩加入歲額考成

一康熙貳年伍月兩浙巡鹽御史趙祥星為請發帶徵款項以便徵追題稱鹽課之內設有贓罰割沒貳項俱係報部項下之銀而其追解各自有別割沒則係各所商鹽掣出之多斤納價沒官者是也贓罰則係獲報私鹽及准理鹽法之詞狀批行衙門問擬之招贖是也向例巡鹽贓罰離載雖有柒千兩兩報解原無定額問擬多則報解多問擬少則報解少近奉部查自順治柒年起至拾伍年止按年科筭盡照柒千之數共扣計未完銀肆萬陸千陸百伍拾餘兩撥充

協餉查此數年之內前鹽臣有題報不及柒千兩者
有停差年分毫無報解者除前鹽臣任內有

題報未完銀陸千壹百伍拾兩壹錢零見在嚴追外共缺
額銀肆萬伍百柒兩捌錢零既無招擬人犯之可比
又乏原問衙門之可追而運司以照引增派為請者
蓋亦因軍需孔急撥餉難緩舍商而外無可他求實
亦出於萬不獲已之情而非商課之所應加也是以

前鹽臣蕭震具疏

題蠲奉部議覆謂凡有割沒即有贓罰仍令照追奈緣

兩浙商人除割沒之外實無再有之贓罰問之於運
司詳以無人可追問之於商人則云從無此重科之
例况當此引壅商困之際正課尚苦於催徵焉能加
派於贓罰則此項無額之銀終屬虛懸所撥軍餉將
何濟解此臣不得不再為

題蠲并請改撥以清賦額臣部覆

准查鹽法考內載有贓罰額銀每年柒千兩况秤掣鹽斤
之間商人多帶鹽斤論斤割沒入官如有入官者即
有贓罰應令該御史仍照前題定肆年之限按年分

速行帶徵完解

一康熙貳年捌月浙江巡撫朱昌祚題稱各場鹽課大
使除長林等拾壹場尚有存留徵課者無庸更議外
止溫屬之永嘉場台屬之杜瀆場俱丁蕩全無似應
議裁臣部覆

准杜瀆永嘉貳場既經該撫查明丁蕩全棄額課無徵其
貳場員缺應

勅吏部查照裁汰

一康熙貳年玖月兩浙巡鹽御史趙祥星為恭報新陞

稅銀題稱浙西下砂叁場竈戶張儀等於順治拾捌
年間開墾沙地貳千玖百肆拾畝履畝親勘俱已成
熟均應於拾捌年為始科徵每畝稅銀叁分每年計
共稅銀捌拾捌兩貳錢請乞入額以便徵解臣部覆
准既經該御史確查明白應自順治拾捌年為始照數徵
收按年入額考成

一康熙貳年拾貳月浙江總督趙廷臣為鹽價遠運日
增兵民淡食題稱臣巡歷至溫州府闔郡士庶軍民
紛紛控稱舊設五處鹽場俱遷一切兵民食鹽俱係

杭州鹽商由杭州運赴温州發賣千里轉運其間跋
嶺越山資費煩重所以鹽價日增富者可積數斤貧
者食淡生病且竈民向時半藉耕稼半藉燒煎既輸
條銀於有司又輸鹽課於鹺司今遷場棄沙之後竈
民既無恒產又無恒業一身空閒無以為生所以從
前拖欠鹽課無從解辦臣思此種遷民即加意安插
多方賑恤奈開荒無力耕鑿貿易罔知經營臣閱溫
之永嘉等縣台之臨黃等縣界內等處似可攤沙起
竈如查舊日已遷竈丁若干再募新丁若干踏勘界

內何地可以攤鋪何地可以團竈量其出產多寡陞
稅配引其有不足再配杭鹽以補之則遷移窮民可
無淡食之苦遷移竈民可無失業之憂即奸民知私
煎無利不敢違禁犯法是亦安插遷民並裕

國課之一法也臣部議覆查永嘉臨黃等縣界內之地
攤沙起竈陞稅行引又恐不足再配杭鹽但兩處之
鹽可否並行請

勅巡鹽御史酌議具題於康熙叁年拾貳月據該御史張
志尹疏稱溫所年行貳萬叁百陸拾之小引取有土

商王伯龍等領引認課甘結可以按額領辦至台所
每年額行小引除寧海縣認行柒百伍拾引外尚有
壹萬貳千柒百引取有竈丁陳李明等煎燒認結歲
可煎鹽壹百伍拾萬斤足配小引陸千叁百伍拾引
僅有商人張汪祥等數人願認壹千柒百引其餘引
目多方招徠舊商認銷完課猶有陸千叁百伍拾引
仍行金屬三邑責令紹商買補行銷臣部議覆查溫
所年額之引雖稱取有土商甘結但稱有士民議認
借銀納課似非土商情願承認其竈丁竈地煎產鹽

斤果否足供溫州慶州二府之用並所煎鹽斤若干
未經說明又台所存額壹萬叁千肆百伍拾斤前御
史蕭震疏稱令台商傳登等買補今稱僅有張汪祥
等數人願認壹千柒百引其餘引目止稱多方招徠
舊商認銷則認引尚無着落况張汪祥又稱原認壹
千柒百引今增四倍地不出鹽懸計產鹽壹百伍拾
萬斤是產鹽又無着落其金屬東陽永康武義三邑
仍改食紹鹽有無碍於台鹽亦未說明且前疏原令
台商買運紹鹽今疏又令紹商買補前後不同事關

久遠經制再請

勅該御史同該督撫會查妥確將溫台二所銷引州縣地方舊制并見今改銷州縣引額地丁確數地里情形逐一造冊

題明再議於康熙肆年陸月據浙江總督趙廷臣會同浙撫蔣國柱巡鹽御史張志尹疏稱溫台二所攤沙

起竈行鹽一案部議請

勅會題今查溫所每年額行小引貳萬叁百陸拾引前因王伯龍等一十五人高少不能辦課故民有措銀辦

納初次引課之議以期速於開煎迨後舊商畢集皆喜復業自認輸納則貸借之議業經中止又永嘉瑞安樂清三縣冊報所產鹽斤以配溫所全額引目約計尚有盈餘足供溫州處州兩府之用取有鹽垣地圖商竈印結日後可無紛更也至於台所商人張汪祥等先認壹千柒百引又吳林祐等認銷肆千陸百伍拾引共合陸千叁百伍拾引則認引既有着落產鹽已非懸擬尚有陸千叁百伍拾引商人傳登等仍認紹場買補運於金屬東陽永康武義三縣行銷以

補台引之不足坐派發賣界限甚明並無碍於台鹽
并取有地糧丁課確數是商民安便經久可行臣部
覆查兩所鹽引既俱有商人承認着落無庸查議其
溫所產鹽配引係併包缺斤之數溫台兩所鹽引應
照原定斤數配引又查台所改於紹所買補之日曾
有多出課銀玖百肆拾肆兩零此銀徵解何處請

勅該督撫查覆本年拾貳月據該督覆稱前鹽臣蕭震將
台所引目改壹萬引於嘉松二所代銷內改嘉所陸
千引松所肆千引照嘉松二所則例納課是以每年

計應增課銀玖百肆拾肆兩零而台所仍存引目壹
萬叁千肆百伍拾引改於紹場買補往台屬行銷自
順治拾捌年夏季起至康熙叁年冬季止計見徵應
增課銀叁千伍百肆拾壹兩肆錢貳分貳厘叁毫零
又帶徵順治拾肆年冬季半季順治拾伍年春夏秋
三季共計帶徵應增課銀柒百玖拾兩肆錢陸厘零
俱經徵收存庫臣部覆

准行令貯庫候文撥餉

一康熙叁年貳月浙江巡撫朱昌祚為鹽政敝壞已極

立法亟宜疏通題稱兩浙鹽運四分司各有分轄之地原為稽煎督課而設舊例鹽課惟責場官收放足額分司駐省督催邇因邊海地方竈丁逃亡逋課故議分司移駐親督以為變通之計庶與鹽課有利食議松江分司應駐松江嘉興分司應駐嘉興寧紹分司則駐紹興以兼顧寧波溫台分司則駐溫州以往來台屬臣部覆

准查分司移駐既有利於鹽課相應准其移駐

一康熙肆年肆月掌京畿道御史顧如華為遵

諭陳言題稱兩浙鹽課積年陞稅至溢明季舊例幾倍臣於康熙貳年奉差抵浙各鹽商竈戶投呈申訴不啻數百紙皆因邊海數郡禁其燒鹽引課俱攤在別所各場是以課重又竈戶丁蕩久廢遂致壓欠不得蠲免商竈實多貧苦力不能辦而竈戶尤為可憫蓋商人領引自應納課至竈戶錢糧派自地畝同屬赤子遇

赦不得沾恩民竈異例亦豈法之平乎臣聞兩淮長蘆山東等處商竈亦皆力困不支此衆耳所共聞非臣一

人敢私議也應請

皇恩一視同仁均沾浩蕩將鹽漕不赦舊例俯賜通融稍
抒十分之一二則商心樂輸臣部覆

准查兩浙運司遷徙無徵銀兩屢經巡鹽御史題請除豁
臣部具覆仍令灘派見在各場認納今康熙肆年叁
月初伍日奉

恩赦一款內開鹽課積逋催徵不得者著察明亦准酌量
蠲免已經通行各省果有催徵不得該御史查明具
題再議

一康熙肆年肆月臣部查先據兩浙巡鹽御史顧如華
題稱常山縣額派鹽引分銷於廣信一府七縣部引
到常山縣卽繳在縣而自常至廣信府山路崎嶇大
包引鹽難以輸運例由汝埠分算另給院單小票行
之已久臣部查運司送到鹺書原有分買照票字樣
但院單小票兼行殊覺重複繁瑣難以查核以後應
作何稽查令該御史另議成法報部續據御史張志
尹疏稱單票兼行深覺煩瑣今議專用臣衙門之單
以行各屬庶畫一可守而引鹽不致有碍臣部覆

准應如所議院單止許在於廣信一府各屬照運筭鹽其餘地方槩不許用仍令該御史稽察

一康熙肆年陸月兩浙巡鹽御史張志尹為亟陳浙商致困之由題稱兩浙鹽課原額叁拾壹萬伍千兩有奇自順治拾叁年秋季戶部因兵餉不敷議加增課銀肆萬伍千餘兩行引壹拾萬道各商以行鹽祇有此多地多引必致壅滯具呈前御史遲日翼為加課不加引之

請歷年以來苦於包賠者蓋已力竭矣臣思加引既不可

行增課又不能減日復一日將來之困億殆有不可勝言者雖加課加引不止兩浙為然但兩浙加課而未嘗行引實與他省之行引輸課者不同題請減免

臣部覆

准查順治拾叁年間因兵餉匱乏臣部具題兩浙運司增引拾萬道課銀肆萬伍千餘兩其各運司俱有新增引課不止兩浙運司為然後於順治拾陸年間前御史遲日翼請將新增拾萬引照長蘆之例加課而不行鹽臣部覆准在案即各運司新增之引俱經陸續

題准加課而不行鹽亦不止兩浙運司一處今該御史所請減免不便准從

一康熙肆年玖月兩浙巡鹽御史張志尹題稱松屬下砂三場袁浦場海寧許村場山陰錢青場嘉興西路場皆產鹽辦課之地本年柒月內慘遭颶風霖雨海嘯潮衝房舍飄流田禾淹沒損傷人畜以致各竈離散民不聊生事關場竈災異會同江南浙江各督撫具題乞

勅部查核分別軫恤臣部請

勅該御史速將被災各場竈民設法招徠賑恤毋悞煎鹽辦課

一康熙肆年拾月兩浙巡鹽御史張志尹題稱台所改嘉松二所代銷引壹萬引每年增課銀玖百肆拾肆兩叁錢柒分零自順治拾捌年夏季為始至康熙叁年冬季止共計增課銀叁千伍百肆拾壹兩肆錢貳分零徵完貯庫臣部覆

准嘉松二所代銷之引每年增課銀玖百肆拾肆兩叁錢柒分零自康熙肆年為始加入歲額徵解

康熙五年冬月兩浙巡鹽御史雷學謙為懇恩行新
銃舊以既引目題稱兩浙年行引目陸拾陸萬柒千
壹百伍拾叁引前因

定鼎之初浙東歸化獨後兼之沿海郡邑頻年兵燹未寧
戶口星散食鹽者少以致歷年引目壅積難銷懸課
不納存部未領之引計共捌拾肆萬有奇已經完課
存司未行之引約計數拾餘萬前鹽臣具

題奉部議將拾肆年冬季起至拾伍年秋季止存部未
銷引目分作肆年帶銷又慮鹽多則引益滯准援兩

淮之例兼引併包以拾柒年冬季為始每年帶徵一
季之課即帶銷一季之引扣至康熙叁年秋季止俱
已帶銷完足臣遵查原案奉有舊引銷完之日仍照
舊例遵行之部文恐違定限業經

題允改復小引惟是存浙未銷之引若照醴制仲編季
掣逾期銃毀之例則壅引似應追銃但浙商疲困已
極今課既完而引復銃恐課本有虧而將來之轉輸
益絀是以歷年至今向未銃毀茲奉部查各年殘引
盡數造冊繳部而疲商以課脈攸關商命所係條陳

銃舊行新之法議令六所各商一槩每百新引買銃
舊引叁拾叁引玖分俾有壅引之家得以賣銷積引
稍抵課本斯亦救本之計但查各商所呈已經納課
存司壅引係在拾肆年冬至拾伍年秋帶銷積引之
外者也臣部議覆查前御史余司仁具題減斤併包
內稱自順治叁年至今共壅已領未銷及未領在部
之引壹百貳拾餘萬覆令俟舊引銷完之日仍照舊
例遵行原不止順治拾肆年冬至拾伍年秋季之引
今既有積引存司未銷該御史前疏何稱壅引帶銷

已完遷請改復小引請

勅該御史查明具題於本年玖月據該御史覆稱兼引併
包原為存部壅引而設至於存浙壅引各商已經納
課考諸鹺制凡課價已完高鹽逾季不掣則引目法
應銃毀臣所以亟為題復小引又據疲商具呈謂壅
引盡停則從前課本盡歸烏有僉議行新銃舊使壅
引之家稍抵課本又不得不為請

命臣部復查前御史兼引併包疏內原有累年已領之壅
引及未闕在部之引共壹百貳拾餘萬臣部覆准俟

舊引銷完之日仍照舊例遵行則凡係壅引均在其
內該御史前疏稱已經銷完今何又稱原為存部壅
引而設且壅引原止壹百貳拾餘萬即據稱銷過順
治拾肆年冬季至拾伍年秋季之引捌拾肆萬餘引
因何仍有伍拾捌萬餘引較原壅之數更多此係何
年分之引疏內又未說明請

勅新差御史確查明白具題於康熙柒年拾月據該御史
教哈等題稱壅引一案余司仁原題壹百貳拾萬并
王萬任內二季叁拾叁萬餘引共計壹百伍拾叁萬

餘引除銷過玖拾伍萬有奇尚存未銷伍拾捌萬餘
引此伍拾捌萬之中內有單引俱全應帶銷者貳拾
玖萬貳千貳拾陸引單引不全不作准者貳拾捌萬
捌千引皆係雷學謙具題伍拾捌萬之內今內部未
將王萬任內二季之引加入扣算故與原數不符臣
部覆

准查當日原題准其帶銷壅引共止壹百貳拾餘萬今銷
過之引并單引不全者比原題之數尚多從何又有
壅引相應不准行

一康熙五年五月兩浙巡鹽御史雷學謙題稱銷引一項向例於各鹽臣差滿復

命之日造冊具

題今奉部定考成按年奏銷但兩浙引課必引到然後開徵而商鹽又必俟課足方始掣銷今康熙肆年冬季之引甫領到浙鹽尚未掣其住賣州縣完欠考成難以懸議應照前例俟臣復

命之日一併

奏銷臣部覆

准查康熙肆年冬季之引既稱甫領到浙未經掣鹽州縣無從督銷應俟該御史復

命之日另冊奏銷嗣後須預期差官赴部領引掣鹽照例於次年叁月終旬

奏銷

一康熙伍年拾月兩浙巡鹽御史雷學謙為清查課稅入額徵解以佐軍需題稱溫台二府內地開煎先經前鹽臣張志尹會同督撫二臣具疏

題允其原報雙穗長林黃巖三場界內飛雲等處坦地

煎沙陞稅丁蕩銀兩每年計共銀叁百兩壹錢壹分
玖忽應自康熙肆年

題允開煎為始開徵肆伍兩年應徵稅銀共陸百兩貳
錢貳分壹絲捌忽存貯候解以後每年加入歲額一
併徵收臣部覆

准查前銀貯庫候文撥充兵餉以後每年加入歲額考成
一康熙陸年叁月兩浙巡鹽御史李之芳為清丈各省
之地以除積弊題稱釐規舊制竈丁分給蕩地煎
辦課蓋緣江潯濱海之區沙塗浮陷東冊西漲滄桑

歲更難以民間恒業例比故成阡陌者得以積弓計
畝居水濱者僅以丈尺為數查浦東等場丈出蕩地
沙塗墩灘共陸千捌拾肆畝叁毫貳絲照例新陞稅
銀貳百玖兩肆錢肆分玖厘叁絲陸忽西興等十二
場內除穿山場於順治拾捌年奉文遷徙所存竈田
原係民地已入藩司冊內今西興等十一場計丈出
蕩地沙塗等項共壹萬伍千陸百叁拾貳畝貳分貳
厘陸毫肆絲貳忽新陞稅銀貳百壹拾肆兩叁錢柒
分壹厘捌毫貳絲玖忽叁微貳纖新增竈丁壹拾伍

丁計新增課銀肆兩肆錢捌分貳厘肆毫伍絲西路
鮑郎海沙蘆瀝橫浦等四場丈出蕩地海灘等項共
貳千壹百伍拾壹畝玖分玖厘貳忽又海底沙塗
共貳千玖百壹方應新陞稅銀壹百玖兩玖錢壹分
柒厘壹毫貳絲叁忽捌微柒纖溫台所屬八場俱臨
沿海於順治拾捌年奉文遷徙除永嘉杜瀆二場竈
丁蕩地全遷無存外其長亭南監北監三場僅存竈
丁徵課蕩地遷徙無存應免造冊所有黃巖雙穗長
林三場坦地并南北兩岬等處新墾開煎沙坦計丈

出地共壹百叁拾貳畝壹分捌厘肆毫壹絲新陞稅
銀肆兩壹錢貳分肆厘柒毫捌絲伍微肆纖新增竈
丁叁拾壹丁計新增課銀叁兩捌分壹厘肆毫仁和
場分轄仁錢二倉計二十三圍計丈出蕩地壹千叁
百肆拾捌畝壹分玖厘陸毫伍絲捌忽陸微新陞稅
銀貳拾捌兩叁錢壹分貳厘壹毫貳絲捌忽叁微許
村場所轄東西二倉圍蕩地沙塗分別方口畝數丈
尺數目逐一清丈明白至各縣水鄉包補等課俱載
藩司全書之內編入條鞭統徵已於民間丈量冊內

彙報藩司惟是慈谿縣界居鳴鶴場有山北團管告
附縣徵者餘姚縣地連石堰場有沙地附縣徵輸者
此二縣非同各邑水鄉統入民地者可比內查餘姚
縣報夫出沙地壹千伍畝叁分伍毫柒絲叁忽新陞
稅銀貳拾壹兩貳錢玖分壹厘陸毫玖絲陸忽陸微
以上各縣場通共新陞課稅銀伍百玖拾伍兩叁分
肆毫肆絲零臣部議覆查縣場水鄉係解京鹽課正
項向例作何徵收因何造入藩司條鞭之內或係民
地或係窰地何又稱包補等語藩司冊內曾否註明

水鄉字樣既內未經說明請

勅該御史將始末備查明白具題再議於本年拾月續據
該御史傳世舟覆稱鹺規開載各縣鹽課原有窰丁
不諳煎鹽發縣與民一體當差其名下應納之銀該
縣通融均派於秋糧餘米內徵收名曰水鄉有無徵
課銀於民戶秋糧米內包納名曰包補其徵解雖歸
於鹺司而輸納總出於民戶編入會計款項分明此
在浙省各縣無不皆然藩司全書班班可考也即江
南松屬之華婁上青與蕪屬崇明等縣鹽課亦皆載

入全書惟吳江長洲太倉三州縣一係糧長賠完一
係現總輸解一係縣址官地浮棚業戶完納考其從
來據稱先年沿海竈丁流落在縣並無蕩地年遠丁
絕額課難虧是以派諸里遞自明迄今相沿久矣雖
徵解未入條鞭然總於民糧編派要即離規所云包
補者此耳至於青村等場丈缺蕩地稅銀據松嘉寧
三分司咸稱各場照額辦課亦非一日毋容減除其
各縣場丈陞稅銀伍百玖拾伍兩叁分零統候部示
徵解臣部覆

准查水鄉包課銀兩既經該御史會同該撫查明在於民
地內徵解無庸查議其丈出陞稅銀伍百玖拾伍兩
叁分零應照原丈年分徵解每年入額考成

一康熙陸年閏肆月兩浙巡鹽御史李之芳題稱銷引
考成按年奏銷前鹽臣雷學謙因康熙肆年冬引未
掣伍年叁月終旬難定考成請照舊例復

命奏銷奉

旨遵行伍年夏秋引目臣於上年捌月親領赴浙督商領
運今春始行開掣其伍年冬季之引追完紙硃銀兩

於上年拾月差官赴部關請迄今尚未到浙而
奏銷業已屆期即引目早晚頒到衆商之輸將轉運尚
難計期州縣之完欠考成安能懸定况兩浙自定銷
引考成以來從未有於叁月終旬
奏銷實阻於時勢有萬萬不能者也乞
勅部仍照徃例容臣復

命時造冊題報庶完欠得以清釐而考成亦收實效矣臣
部覆

准查該運司銷引考成既稱萬難於叁月終旬

奏銷相應仍照前御史之例於復

命日造報

一康熙柒年叁月兩浙巡鹽御史傅世舟題稱巡鹽贓
罰一項每歲報部額銀柒千叁百有奇初年原無定
數隨問擬之多寡具題順治拾陸年欽奉

上諭今後杖壹百應贖者折銀叁拾伍兩遞減至貳拾兩
而止又康熙肆年奉部題定實錄徒伍年者折贖銀
伍拾叁兩柒錢伍分杖壹百徒肆年者折贖銀伍拾
兩以下遞減凡鹽罪納贖俱照

新例數倍於前是以每年贓罰足額今康熙陸年玖月刑部題覆科臣吳國龍條議請復贖錢一款奉

旨前諭因無力小民納贖難完反致苦累故令懲決但律內開載有力折贖無力的決原聽從民便非強偏令其折贖以後着照律行如不能折贖而強令折贖者該督撫指名叅處又奉部議以先鹽犯問擬杖罪照實錄折贖鹽犯亦係民人嗣後若犯杖罪仍照民人一體依律折贖奉

旨遵行臣蒞任半載招贖寥寥無幾日閱各屬申詳非援赦請豁即無力的決求其依律納贖者百不得一况鹽犯問擬伍年之徒與滿百之杖者亦復甚少何日能符部額柒千之數且數月之內兩奉

恩綸各屬衙門更有何招罪問擬具詳而部設之年額乞勅部議照民例量減臣部覆

准查贓罰銀柒千餘兩係開載鹽法考每年額定報部之數非別項無定額贓罰可比仍請

勅該御史照額追解

一康熙柒年玖月兩浙巡鹽御史傅世舟題臣部議覆

查各處奏銷錢糧引日之例俱係正月初壹日起至拾貳月終止按一年造報惟兩浙運司冊開按御史到任起至今止不按年分造報與各處之例不同相應行文新差御史將康熙柒年分下半年各州縣銷引完欠分数扣至拾貳月終止於康熙捌年叁月終旬造冊奏報以後自康熙捌年正月初壹日起至拾貳月終止按年分造冊於次年叁月終旬奏銷以便畫一於康熙捌年肆月續據新差御史教哈等疏稱兩浙各差因柒月蒞任自本年夏季為始至來年春季為止乃一年考成之引今臣等所領康熙柒年冬季之引於捌年貳月方到萬不能如期奏報請仍照往例容臣差滿之日造冊奏報臣部覆

准仍照舊例遵行

一康熙柒年拾貳月兩浙巡鹽御史教哈等為請

肯增引裕課題稱松江所商人汪嘉正等呈請加引壹萬道在於崑山常熟太倉三州縣行銷每歲增課銀叁千壹百伍拾捌兩叁錢零又商人黃都等呈請加引叁千伍百道在於華亭婁縣青浦嘉定四縣行銷每

歲增課銀捌百伍拾兩玖錢捌分又商人程淇等呈請加引壹千肆百道在於嘉定縣行銷每歲增課銀肆百捌拾叁兩捌錢捌分貳厘以上共增引壹萬肆千玖百道課價銀肆千肆百玖拾叁兩壹錢柒分貳厘玖毫柒微柒纖臣等以增引納課事關永久行據運司回稱各商熟酌可行斷不肯自甘貽累取有綱商結狀該商認狀併各商互結自康熙柒年夏季為始日後課虧一體連追臣等因思食鹽各處雖有定額各商因松江所民稠食鹽稍倍且海禁森嚴巡緝於往昔亦謹屢經呈結增引加額有裨

國課臣部覆

准查醴書內崑山等七州縣係松江所行鹽地方今海禁民稠食鹽多於往昔既經該御史取有結狀認狀并各商互結以本所之商認增本所之引相應准從自康熙柒年夏季為始照例納課每年入額考成一康熙柒年拾貳月兩浙巡鹽御史敖哈等題稱紹所年額行銷引目共貳拾壹萬柒千伍拾引因紹場坍棄界外產鹽不敷各商輸課艱難傳集杭嘉松三所

各商酌議永久今據衆商認將紹所年額壹萬伍千壹拾陸引內議改貳千捌百引於杭所行銷應照杭所例於紹額外該陞課銀貳百叁拾叁兩肆分玖厘捌毫又議改捌千引於嘉所行銷應照嘉所例於紹額外該陞課銀伍百叁拾捌兩陸錢肆分叁厘壹毫又議改肆千貳百壹拾陸引於松所行銷應照松所例於紹額外該陞課銀玖拾兩壹錢陸分玖厘肆毫以上杭嘉松三所共議改壹萬伍千壹拾陸引每年實陞課銀捌百陸拾壹兩捌錢陸分貳厘叁毫自康熙柒年夏季為始載入鹺規永定為例臣部覆議查該御史議改紹所引目於杭嘉松三所行銷陞課相應如議增課但康熙元年前御史蕭震具題沿海竈丁遷徙甌內止開寧台溫三府屬長林等十三場遷徙界外並無紹所遷移字樣又經題請將台所壹萬叁千餘引令台商買鹽於紹所各場運銷於台所各縣即本年柒月內御史傅世舟具題因溫所額引壅積亦曾令紹所商人代銷則是紹所並未遷移而且有鹽可令別所買運今稱紹所鹽場棄海界外額引

難銷與前題不符其中恐有奸商借陞課為名欲佔
杭嘉松三所地方賣鹽亦未可知應請

勅該御史確查具題奉

旨據奏蕭震具題並無紹所遷移海界外字樣恐有奸商
欲佔地方賣鹽亦未可知駁令行察又欲將紹所額引
令於杭嘉松三所行銷陞課不合着該御史行察到日

再議具奏於康熙捌年貳月據該御史覆稱紹所原額
引貳拾餘萬鹽場壹拾有貳在紹屬者五寧屬者七
甯煎俱配紹引自順治拾捌年間將寧屬大嵩穿山

長山玉泉清泉五場溫台屬長林等八場遷徙蕭震
具

題有寧台溫遷徙之處雖無紹所字樣寧遷五場即紹
所之場至台引溫引蕭震傳世每改行於紹所因紹
溫台俱係浙東地方接連不得不權且那移非謂紹
所有鹽別所可行且紹所遷去五場本所尚不能行
別所焉能加行引多鹽少商人歷年困苦預先不改
後來必致引壅課虧此紹所壹萬伍千壹拾陸引改
於杭嘉松三所陞課行銷亦係此三所之高情願納

行非別所商人所能撓越取有各商並無占賣情弊
甘結在案臣部議覆查順治拾捌年將紹所五場雜
遷於界外今又另行立界應令該御史查明此五場
若係界內應照舊遵行如仍係界外應如所請又於
康熙捌年柒月據該御史覆稱寧屬大嵩等五場並
未復業任內課引難以懸缺已行運司將原

題紹引壹萬伍千壹拾陸引自康熙柒年夏季為始照
臣等所請改於杭嘉松三所陞課行銷外俟寧屬各
場竈地復業之日另行具

題臣部覆

准查寧屬五場既稱尚未復業相應准照前題改所陞課
行銷仍行新差御史知照俟寧屬各場復業之日即
行題明仍照舊例行銷

一康熙捌年捌月浙江巡撫范承謨題稱

奏銷文冊皆開列解京額數其備荒等銀向係存番支
發故未入冊運司遵循往例將解京額數依舊開造
不入備荒項款第鹽課錢糧惟以釐規為憑在釐規
原有解京備荒之別而解京者已歸兩浙年額叁拾

陸萬餘兩正供年徵年解按額

奏銷所有備荒沙地銀兩自明迄今存番支給凡遇每
年進捧慶賀

表箋及朝

覲官員紙劄路費暨鹽院衙門差承贖

奏起解錢糧置辦木鞘鐵箍油料護解會手守庫防夫更

夫工食修理院司各衙門公署等項公務按歲按項

詳院支給此釐規之有備荒猶兩淮釐政之有經費
自來不入

覲冊查非侵冒臣部議覆令兩浙巡鹽御史將各州縣每
年應番應裁銀數逐一造冊送部以憑查核續據該
御史呈稱兩浙備荒車輛牙稅等銀共陸千貳百捌
拾叁兩向例番為進

表朝

覲解餉等項之費今遵部行集司會議有向載釐規而今
可稍緩者即行刪減或釐規未載而勢所必需者量
為增留共議裁銀壹千柒百捌拾玖兩肆錢零又除
解京裁冗銀叁百玖拾肆兩肆錢仍留銀肆千玖拾

改兩壹錢伍分零臣部覆

准查裁留銀兩既經該御史運司會議酌定相應准從其
裁省銀壹千柒百捌拾玖兩肆錢零應令每年解部
一康熙玖年玖月兩浙巡鹽御史詹布里等題稱台所
存引壹萬貳千柒百引於康熙肆年間前總督趙廷
臣御史張志尹

題定台商張汪祥等認陸千叁百伍拾引於台所買鹽
台屬行銷商人傅登等認陸千叁百伍拾引暫附紹
場買鹽運至金華府屬行銷後金屬士民因紹鹽遠

運至金價高民困願食台鹽而商人傅登等因紹場
無鹽買補將原認額引退還張汪祥等貳千陸百貳
拾伍引止認叁千柒百貳拾伍引在台所內港買補
仍運金屬行銷隨經前運司查係台引買補台鹽仍
歸其舊且引課俱無增減似屬妥便實與改所不同
前御史傅世舟批允在案今台州地方連遇災荒傅
登等退還引目張汪祥等無力辦課呈請改銷傳集
各商公同等畫據杭商汪時臯等具呈願銷前引照
杭所則例輸納共增課銀叁百捌拾餘兩此以台所

之引改至杭所買鹽即在杭屬行銷非以杭所之鹽
運至台屬住賣也無累於民如此改行庶課銀有增
窮商不用臣部覆

准查各所運鹽銷引向有題定之案今此項引目既稱改
於杭所行銷無累於民相應如其所議再查沿海未
經展界之先此項鹽引改歸杭所則台所鹽引虧缺
今沿海遷界已展此台所缺額貳千陸百貳拾伍引
仍於康熙拾年為始令台所增引照舊徵課

一康熙拾年叁月兩浙巡鹽御史杭奇等題稱台所懸
額貳千陸百貳拾伍引前鹽臣詹布禮等題請自康
熙捌年夏季為始改於杭所增課行銷內部又以沿
海遷界已展仍令台所將鹽引於康熙拾年為始照
舊增添徵課查台屬雖經展界竈戶尚未復業開煎
先年遷徙之後丁竈逃亡一時不能招集况台商消
乏至極不能增引徵課臣部覆

准應將台所暫停增引仍請


勅該御史侯寬丁招集之日具題照舊令台所行銷

一康熙拾年捌月兩浙巡鹽御史杭奇等為懇祈附所

銷額商課兩全題稱兩浙頻年災祲地方豐歉不一而溫所濱海土瘠民貧商竈尤為艱苦額引恒致壅積前御史曾經陞課改銷奉有部文凡改所必先題允方行今據各商呈懇循例於溫所年額之內減出陸千引自康熙拾年夏季為始改於杭所行銷照依杭所則例每年陞課壹千叁百壹拾貳兩貳錢臣等批行運司確查據稱傳集各商公議溫商咸懇減額抗商情願認銷兩情允協俟溫屬豐稔場竈復業之日仍歸舊額取其溫商退狀抗商認狀詳覆前來臣等思溫引改抗既有前例可援况額引不虧而

國課有裨相應具題 臣部覆

准查該御史既稱溫所土瘠民貧額引壅積溫商每年願減陸千引改於杭所行銷抗商亦情願認銷每年陞課壹千叁百餘兩相應准其改銷增課



書畫堂藏

